

საპრედიქციო პროგნოზის კვლევა

IV კვარტალი, 2025



საქართველოს ეროვნული ბანკი
National Bank of Georgia

საკრედიტო პირობების კვლევის მიზანი და მეთოდოლოგია

საქართველოს ეროვნული ბანკი 2013 წლიდან ატარებს საკრედიტო პირობების კვლევას. გამოკითხვა ონლაინ პლატფორმის საშუალებით ტარდება, ხოლო რესპოდენტებს საბანკო სექტორის მაღალი რგოლის მენეჯერები წარმოადგენენ. კვლევის მიზანს რესპოდენტებისაგან დაკრედიტების მიმდინარე და სამომავლო ტენდენციებზე ინფორმაციის მიღება წარმოადგენს. კერძოდ, კვლევა მოიცავს კითხვებს ფიზიკური და იურიდიული პირების სესხებზე მოთხოვნისა და დაკრედიტების საპროცენტო და არასაპროცენტო პირობების ცვლილებაზე, ასევე კითხვებს ამ ცვლილების გამომწვევი ფაქტორების შესახებ.

კითხვარი შედგება მხოლოდ ხარისხობრივი შეკითხვებისაგან და არ მოითხოვს რესპოდენტთა მხრიდან რაოდენობრივ შეფასებას. ინფორმაციის რაოდენობრივ ერთეულებში გარდაქმნისათვის გამოყენებულია საბალანსო სტატისტიკის მეთოდოლოგია. ინდექსი მერყეობს -100-დან 100-მდე. 100 აღნიშნავს, რომ გამოკითხულთა 100% აღიქვამს ტენდენციის მნიშვნელოვან გაუმჯობესებას. ინდექსი -100 აღნიშნავს, რომ რესპოდენტთა 100% მნიშვნელოვან გაუარესებას აღიქვამს. 0 აღნიშნავს, რომ ტენდენცია არ შეცვლილა გასულ კვარტალთან შედარებით. ინდექსის დათვლისას რესპოდენტთა პასუხებს თანაბარი წონა აქვთ მინიჭებული, განურჩევლად ბანკის ზომისა.

გამოკითხვის შედეგების ანალიზის საფუძველზე ყოველ კვარტალურად ქვეყნდება ანგარიში. გარდა კვლევის საბოლოო შედეგებისა, აღნიშნული ანგარიში მოიცავს ოფიციალურ სტატისტიკურ ინფორმაციას დაკრედიტების ტენდენციების შესახებ.

ამ ანგარიშში წარმოდგენილი მოლოდინები ასახავს მხოლოდ საკრედიტო პირობების კვლევის რესპოდენტთა შეფასებას დაკრედიტების მომავალ ტენდენციაზე და არა ეროვნული ბანკის წარმომადგენელთა მოლოდინებს.

საკრედიტო პირობების კვლევა

მოკლე შეჯამება	4
ბიზნესის დაკრედიტების პირობები და ტენდენციები.....	5
ფიზიკური პირების დაკრედიტების პირობები და ტენდენციები	9

დიაგრამა 1. ბიზნეს სესხების მოთხოვნისა და საკრედიტო პირობების ცვლილება.....	5
დიაგრამა 2. ბიზნეს სესხების საკრედიტო პირობების ცვლილებაზე მოქმედი ფაქტორები.....	6
დიაგრამა 3. საპროცენტო განაკვეთები და საკონტრაქტო ვადიანობა ბიზნეს სესხებზე.....	7
დიაგრამა 4. ბიზნეს სესხებში უმოქმედო და უარყოფილი სასესხო განაცხადების წილი	8
დიაგრამა 5. ფიზიკური პირების სესხებზე მოთხოვნისა და საკრედიტო პირობების ცვლილება	9
დიაგრამა 6. ფიზიკურ პირებზე გაცემული სესხების დაკრედიტების პირობების ცვლილებაზე მოქმედი ფაქტორები	10
დიაგრამა 7. სესხის მომსახურებისა (PTI) და უზრუნველყოფის (LTV) კოეფიციენტების განაწილება.....	10
დიაგრამა 8. ფიზიკურ პირებზე გაცემულის სესხების საპროცენტო განაკვეთები და საკონტრაქტო ვადიანობა	11
დიაგრამა 9. უმოქმედო და უარყოფილი სასესხო განაცხადების წილი ფიზიკურ პირებზე გაცემულ სესხებში	12

მოკლე შეჯამება


საკრედიტო პირობების კვლევის მიხედვით, 2025 წლის მეოთხე კვარტალში, წინა კვარტალთან შედარებით, ბიზნეს სესხებზე მოთხოვნა მცირედით გაიზარდა. საბანკო სექტორის წარმომადგენლები 2026 წლის პირველ კვარტალში ბიზნეს სესხებზე მოთხოვნის ცვლილებას არ მოელიან. ამავე კვლევის მიხედვით, 2025 წლის მეოთხე კვარტალში, წინა კვარტალთან შედარებით, დაკრედიტების პირობები ბიზნეს სესხებისთვის მცირედით შერბილდა. საბანკო სექტორის წარმომადგენლები მომდევნო კვარტალში საკრედიტო პირობების ცვლილებას არ მოელიან. გარდა ამისა, რესპოდენტების აზრით, მომდევნო კვარტალში ბიზნეს სესხებზე საპროცენტო განაკვეთების ცვლილება მოსალოდნელი არ არის.

საკრედიტო პირობების კვლევის მიხედვით, 2025 წლის მეოთხე კვარტალში, წინა კვარტალთან შედარებით, ფიზიკურ პირებზე გაცემულ სესხებზე მოთხოვნა მცირედით გაიზარდა. რესპოდენტების აზრით, მომდევნო კვარტალში ფიზიკურ პირებზე გაცემულ სესხებზე მოთხოვნის უმნიშვნელო კლებაა მოსალოდნელია. კვლევის მიხედვით, ფიზიკურ პირებზე გაცემული სესხებისთვის დაკრედიტების პირობები მცირედით შერბილდა. რესპოდენტები მომდევნო კვარტალში დაკრედიტების პირობების მცირედით შერბილებას მოელიან. საბანკო სექტორის წარმომადგენელთა აზრით, მომდევნო კვარტალში იპოთეკური სესხების საპროცენტო განაკვეთების მცირედით კლებაა მოსალოდნელი.

ბიზნესის დაკრედიტების პირობები და ტენდენციები

საკრედიტო პირობების კვლევის მიხედვით, 2025 წლის მეოთხე კვარტალში, წინა კვარტალთან შედარებით, ბიზნეს სესხებზე მოთხოვნა მცირედით გაიზარდა. საბანკო სექტორის წარმომადგენლები 2026 წლის პირველ კვარტალში ბიზნეს სესხებზე მოთხოვნის ცვლილებას არ მოელიან. ეროვნული ბანკის ხელთ არსებულ მონაცემებზე დაყრდნობით, 2025 წლის მეოთხე კვარტალში, წინა კვარტალთან შედარებით, ბიზნეს სესხების პორტფელის ზრდამ 12.9%¹ შეადგინა. ბიზნეს სესხების ზრდამი უცხოური ვალუტით გაცემულ სესხებს ადგილობრივთან შედარებით მეტი წვლილი შეიტანა. მნიშვნელოვანია აღინიშნოს, რომ ბიზნეს სესხების ზრდა სექტორულ ჭრილში ძირითადად მშენებლობისა და ვაჭრობის სექტორების დაკრედიტებამ განაპირობა. საკრედიტო პირობების კვლევის მიხედვით, 2026 წლის პირველ კვარტალში საბანკო სექტორის წარმომადგენლები ბიზნეს სესხებზე მოთხოვნის ცვლილებას არ მოელიან (იხ. დიაგრამა.1).

დიაგრამა 1. ბიზნეს სესხების მოთხოვნისა და საკრედიტო პირობების ცვლილება²



წყარო: საკრედიტო პირობების კვლევა, სებ.

2025 წლის მეოთხე კვარტალში, წინა კვარტალთან შედარებით, დაკრედიტების პირობები ბიზნეს სესხებისთვის მცირედით შერბილდა. რესპოდენტების აზრით, დაკრედიტების პირობების შერბილებას ფინანსური რესურსის ხარჯის კლება, ბაზარზე კონკურენციის ზრდა და საკრედიტო პორტფელის ხარისხის გაუმჯობესება განაპირობებდა (იხ. დიაგრამა 2). ეროვნული ბანკის ხელთ


¹ აღნიშნული მონაცემი ასახავს გაცვლითი კურსის ეფექტის გამორიცხვით, სეზონურად შესწორებული სესხების გაწლიურებულ ზრდას.

² საკრედიტო პირობებისა და მოთხოვნის ცვლილების ინდექსი მერყეობს -100-დან 100-მდე. 100 აღნიშნავს, რომ რესპოდენტების 100% აღიქვამს ტენდენციის მნიშვნელოვან გამკაცრებას/ზრდას; -100 აღნიშნავს მნიშვნელოვან შერბილებას/შემცირებას; 0 აღნიშნავს, რომ ტენდენცია არ შეცვლილა გასულ კვარტალთან შედარებით. 2026Q1* ასახავს საბანკო სექტორის წარმომადგენლების მოლოდინებს 2026 წლის პირველ კვარტალზე.

არსებულ მონაცემებზე დაყრდნობით, ეროვნულ და უცხოურ ვალუტაში გაცემული სესხებისათვის ვადიანობა მცირედით შემცირდა (იხ. დიაგრამა 3). საბანკო სექტორის წარმომადგენლები მომდევნო კვარტალში საკრედიტო პირობების ცვლილებას არ მოელონ.

ეროვნული ბანკის ხელთ არსებულ მონაცემებზე დაყრდნობით, დეკემბერში, სექტემბერთან შედარებით, საპროცენტო განაკვეთი თვის შიგნით ეროვნული ვალუტით გაცემულ მსხვილ ბიზნეს სესხებზე 0.6 პპ-ით, 13.3%-მდე შემცირდა. დეკემბერში, სექტემბერთან შედარებით, თვის შიგნით ევროთი გაცემული მსხვილი ბიზნეს სესხებისთვის საპროცენტო განაკვეთი 0.5 პპ-ით, 7.8%-მდე შემცირდა, ხოლო დოლარით გაცემული სესხებისათვის აღნიშნული 0.1 პპ-ით 9.8%-მდე შემცირდა. მცირე და საშუალო ბიზნეს სესხებისთვის, დეკემბერში, სექტემბერთან შედარებით, საპროცენტო განაკვეთი ეროვნული ვალუტით გაცემული სესხებისთვის 0.1 პპ-ით 14.1%-მდე შემცირდა. რაც შეეხება უცხოური ვალუტით გაცემულ სესხებს, ევროთი გაცემული სესხებისთვის საპროცენტო განაკვეთი 0.6 პპ-ით, 7.4%-მდე შემცირდა, ხოლო დოლარით გაცემული სესხებისთვის საპროცენტო განაკვეთი, 0.4 პპ-ით, 8.9%-მდე შემცირდა (იხ. დიაგრამა 3). რესპოდენტთა პასუხებზე დაყრდნობით, მცირედით შემცირდა განაკვეთი ფიქსირებული განაკვეთით გაცემულ ლარისა და უცხოური ვალუტის სესხებზე. გამოკითხულთა აზრით, მომდევნო კვარტალში ბიზნეს სესხებზე საპროცენტო განაკვეთების ცვლილება მოსალოდნელი არ არის.


დიაგრამა 2. ბიზნეს სესხების საკრედიტო პირობების ცვლილებაზე მოქმედი ფაქტორები³



წყარო: საკრედიტო პირობების კვლევა

³ დიაგრამა საკრედიტო პირობების ცვლილებაში თითოეული ფაქტორის წილს ასახავს. დადებითი წილი მიუთითებს ფაქტორის წილს გამკაცრებაში, ხოლო უარყოფითი შერბილებაში.

დიაგრამა 3. საპროცენტო განაკვეთები და საკონტრაქტო ვადიანობა ბიზნეს სესხებზე⁴



წყარო: სებ.


2025 წლის მეოთხე კვარტალში, წინა კვარტალთან შედარებით, უმოქმედო სესხების წილი ბიზნეს სესხებში უმნიშვნელოდ შემცირდა.⁵ მეოთხე კვარტალში, წინა კვარტალთან შედარებით, უმოქმედო სესხების წილი ჯამურად ბიზნეს სესხებში უმნიშვნელოდ, 3.06%-მდე, შემცირდა. ვალუტების ჭრილში, უმოქმედო სესხების წილი ეროვნული ვალუტით გაცემულ ბიზნეს სესხებში 2.85%-მდე შემცირდა. ხოლო, აშშ დოლარით გაცემულ ბიზნეს სესხებში უმოქმედო სესხების წილი 0.2 პპ-ით, 3.1%-მდე გაიზარდა. რაც შეეხება ევროში გაცემულ სესხებს, უმოქმედო სესხების წილი ამ შემთხვევაში 3.4%-მდე შემცირდა (იხ. დიაგრამა 4). საკრედიტო პირობების კვლევის მიხედვით, საბანკო სექტორის წარმომადგენლები მომდევნო კვარტალში ბიზნეს სესხებში უმოქმედო სესხების წილის უმნიშვნელო ზრდას მოელოან.

2025 წლის მეოთხე კვარტალში, წინა კვარტალთან შედარებით, უარყოფილი სასესხო განაცხადების წილი მსხვილ ბიზნეს სესხებში მცირედით გაიზარდა, ხოლო მცირე და საშუალო ბიზნეს სესხებში შემცირდა. მეოთხე კვარტალში, წინა კვარტალთან შედარებით, უარყოფილი სასესხო განაცხადების წილი ეროვნული ვალუტით გაცემულ მცირე და საშუალო ბიზნეს სესხებში, 3 პპ-ით 25%-მდე შემცირდა, ხოლო უცხოური ვალუტით გაცემული სესხებისთვის აღნიშნული მაჩვენებელი 1.3 პპ-ით 13.2%-მდე შემცირდა. რაც შეეხება მსხვილ ბიზნეს სესხებს, მეოთხე კვარტალში, წინა კვარტალთან შედარებით, უარყოფილი სასესხო განაცხადების წილი ლარში 0.4 პპ-ით გაიზარდა, 2.2%-მდე, ხოლო უცხოურ ვალუტაში აღნიშნული კვლავ 0.9% შეადგენს (იხ. დიაგრამა 4).

⁴ საპროცენტო განაკვეთი თვის შიგნით გაცემულ მცირე და საშუალო და მსხვილი ბიზნეს სესხების ნაკადებზე.

⁵ უნდა ითქვას, რომ 2023 წლის ივნისიდან, მესამე კვარტალის ანგარიშში, სესხების ხარისხის მაჩვენებლები მოცემულ და შემდეგ ნაწილში დათვლილია IFRS-9-ის მიდგომის შესაბამისად.

დიაგრამა 4. ბიზნეს სესხებში უმოქმედო და უარყოფილი სასესხო განაცხადების წილი




წყარო: სეზ.

⁶ უმოქმედო სესხების მაჩვენებლები 2023 წლის ივნისამდე ეროვნული ბანკის მეთოდოლოგიით არის დათვლილი. ხოლო ივნისიდან მოყოლებული აღნიშნული IFRS 9-ის მეთოდოლოგიას ეფუძნება.

ფიზიკური პირების დაკრედიტების პრობები და ტენდენციები

საკრედიტო პრობების კვლევის მიხედვით, 2025 წლის მეოთხე კვარტალში, წინა კვარტალთან შედარებით, ფიზიკურ პირებზე გაცემულ სესხებზე მოთხოვნა მცირედით გაიზარდა. რესპოდენტების აზრით, მომდევნო კვარტალში ფიზიკურ პირებზე გაცემულ სესხებზე მოთხოვნის უმნიშვნელო კლებაა მოსალოდნელია. ეროვნული ბანკის ხელთ არსებულ მონაცემებზე დაყრდნობით, მეოთხე კვარტალში, წინა კვარტალთან შედარებით, ფიზიკურ პირებზე გაცემული სესხების გაწლიურებულმა ზრდის ტემპმა⁷ 16.2% შეადგინა (იხ. დიაგრამა 5). ვალუტების ჭრილში ფიზიკურ პირებზე გაცემული სესხების ზრდა მნიშვნელოვანწილად კვლავ ეროვნული ვალუტით გაცემულმა სესხებმა განაპირობა. საბანკო სექტორის წარმომადგენლები მომდევნო კვარტალში ფიზიკურ პირებზე გაცემულ სესხებზე მოთხოვნის მცირედ კლებას მოელიან.

დიაგრამა 5. ფიზიკური პირების სესხებზე მოთხოვნისა და საკრედიტო პრობების ცვლილება⁸



წყარო: საკრედიტო პრობების კვლევა, სეპ.


2025 წლის მეოთხე კვარტალში ფიზიკურ პირებზე გაცემული სესხებისთვის დაკრედიტების პრობები მცირედით შერბილდა. ეროვნული ბანკის ხელთ არსებულ მონაცემებზე დაყრდნობით, 2025 წლის მეოთხე კვარტალში, წინა კვარტალთან შედარებით, სესხის ვადიანობა იპოთეკური სესხებისთვის თითქმის არ შეცვლილა. უნდა აღინიშნოს, ისიც რომ სესხის უზრუნველყოფის (LTV) კოეფიციენტის განაწილების შემთხვევაში წინა კვარტალთან შედარებით, უმნიშვნელოდ გაიზარდა იმ სესხების წილი რომელთა LTV 60%-ზე მეტია. ხოლო, სესხის მომსახურების

⁷ აღნიშნული მონაცემი ასახავს გაცვლითი კურსის ეფექტის გამორიცხვით, სეზონურად შესწორებული სესხების გაწლიურებულ ზრდას.

⁸ იხ. დიაგრამა 1-ის მეორე შენიშვნა.


კოეფიციენტის (PTI) შემთხვევაში, მცირედით გაიზარდა იმ სესხების წილი, რომელთა PTI 50%-ზე მეტია. მთლიანობაში, რესპოდენტების პასუხებზე დაყრდნობით, შეგვიძლია ვთქვათ, რომ დაკრედიტების პირობები მცირედით შერბილდა (იხ. დიაგრამა 6-8). რესპოდენტები მომდევნო კვარტალში დაკრედიტების პირობების მცირედით შერბილებას მოელიან.

დიაგრამა 6. ფიზიკურ პირებზე გაცემული სესხების დაკრედიტების პირობების ცვლილებაზე მოქმედი ფაქტორები ⁹



წყარო: საკრედიტო პირობების კვლევა

დიაგრამა 7. სესხის მომსახურების (PTI) და უზრუნველყოფის (LTV) კოეფიციენტების განაწილება




წყარო: სგბ.

⁹ იხ. დიაგრამა 2-ის შენიშვნა.

საპროცენტო განაკვეთები ფიზიკურ პირებზე გაცემული სესხებისთვის შემცირდა. კერძოდ, დეკემბერში, სექტემბერთან შედარებით, ეროვნული ვალუტით გაცემული სამომხმარებლო სესხებისთვის საპროცენტო განაკვეთი 0.4 პპ-ით, 16.7%-მდე შემცირდა. ლარში გაცემული იპოთეკური სესხებისთვის საპროცენტო განაკვეთი 12.2%-მდე შემცირდა. რაც შეეხება უცხოური ვალუტის სესხებს, საპროცენტო განაკვეთი აშშ დოლარით გაცემული იპოთეკური სესხებისთვის 0.2 პპ-ით შემცირდა და 8.1% შეადგენს, ხოლო ევროთი გაცემული სესხებისთვის აღნიშნული 0.2 პპ-ით, 6.9%-მდე შემცირდა (იხ. დიაგრამა 8). გამოკითხულთა აზრით, მომდევნო კვარტალში იპოთეკური სესხების საპროცენტო განაკვეთების მცირედით კლება კვლავ მოსალოდნელია.

დიაგრამა 8. ფიზიკურ პირებზე გაცემული სესხების საპროცენტო განაკვეთი და საკონტრაქტო ვადიანობა¹⁰



წყარო: სებ.


2025 წლის მეოთხე კვარტალში, წინა კვარტალთან შედარებით, უმოქმედო სესხების წილი¹¹ ფიზიკურ პირებზე გაცემულ სესხებში მნიშვნელოვნად არ შეცვლილა. კერძოდ, ეროვნული ბანკის ხელთ არსებულ მონაცემებზე დაყრდნობით, უმოქმედო სესხების წილი იპოთეკურ სესხებში 1.3%-მდე შემცირდა, ხოლო სამომხმარებლო სესხებში აღნიშნული კვლავ 2.4%-მდეა. ვალუტების ჭრილში, ევროთი გაცემულ იპოთეკურ სესხებში უმოქმედო სესხების წილი 2.0%-მდე, ხოლო აღნიშნული დოლარში 1.6%-მდე შემცირდა. რაც შეეხება ეროვნული ვალუტით გაცემულ იპოთეკურ სესხებს, უმოქმედო სესხების წილი 1.1%-მდე შემცირდა (იხ. დიაგრამა 9). საბანკო სექტორის წარმომადგენლები 2026 წლის პირველ კვარტალში სამომხმარებლო სესხებში უმოქმედო სესხების წილის მცირედით კლებას მოელონ.

¹⁰ საპროცენტო განაკვეთი ფიზიკურ პირებზე თვის შიგნით გაცემულ სესხების ნაკადებზე.

¹¹ უმოქმედო სესხების მაჩვენებლები 2023 წლის ივნისამდე ეროვნული ბანკის მეთოდოლოგიით არის დათვლილი. ხოლო ივნისიდან მოყოლებული აღნიშნული IFRS 9-ის მეთოდოლოგიას ეფუძნება.

2025 წლის მეოთხე კვარტალში სამომხმარებლო სესხებში უარყოფილი სასესხო განაცხადების წილი შემცირდა. მეოთხე კვარტალში, წინა კვარტალთან შედარებით, უარყოფილი სასესხო განაცხადების წილი ეროვნული ვალუტის სამომხმარებლო სესხებში 25%-მდე შემცირდა. იპოთეკურ სესხებში, უარყოფილი სასესხო განაცხადების წილი, ეროვნული ვალუტით 34%-მდე, ხოლო უცხოური ვალუტით, 27%-მდე შემცირდა (იხ. დიაგრამა 9).

დიაგრამა 9. უმოქმედო და უარყოფილი სასესხო განაცხადების წილი ფიზიკურ პირებზე გაცემულ სესხებში



წყარო: სეზ

პასუხისმგებლობის შეზღუდვის განაცხადი

ანგარიში მომზადდა საქართველოს ეროვნული ბანკის ფინანსური სტაბილურობის დეპარტამენტის ფინანსური სტაბილურობის ანალიზისა და მაკროფინანსური მოდელირების განყოფილების მიერ. ამ ანგარიშში წარმოდგენილი მოლოდინები ასახავს მხოლოდ საკრედიტო პირობების კვლევის რესპოდენტთა შეფასებას დაკრედიტების მომავალ ტენდენციაზე და არა ეროვნული ბანკის წარმომადგენელთა მოლოდინებს. ანგარიშში წარმოდგენილი სტატისტიკა დაკრედიტების მიმდინარე ტენდენციაზე განკუთვნილია მხოლოდ მიმდინარე ანალიტიკური მიზნებისთვის, რადგანაც აქ წარმოდგენილი ზოგიერთი მონაცემი შესაძლოა დაექვემდებაროს პერიოდულ გადახედვას და შესაბამისად, ისინი შეიძლება შეიცავდეს გაზომვის ცდომილებებს. მიუხედავად იმისა, რომ ყველა ზომა მიღებული მონაცემთა დროულად, კორექტულად და სრულყოფილად წარმოსადგენად, საქართველოს ეროვნული ბანკი არ იძლევა გარანტიას მონაცემთა სრულ სიზუსტეზე. მიმოხილვაში გამოქვეყნებული ზოგიერთი მონაცემი შესაძლოა განსხვავდებოდეს ეროვნული ბანკის ვებ-გვერდზე "სტატისტიკის" რუბრიკაში გამოქვეყნებული მონაცემებისგან, რადგანაც გაანგარიშებებში გამოყენებულია საზედამხედველო მონაცემები.

მონაცემები წარმოდგენილია 31/12/2025-ის მდგომარეობით.

დამატებითი კითხვებით შეგიძლიათ მიმართოთ ბექა გურგენიძეს

ელ-ფოსტა: Beka.gurgenidze@nbg.gov.ge ტელ: (+995) 555 173618



საქართველოს ეროვნული ბანკი
National Bank of Georgia

საქართველო, თბილისი 0114, სანაპიროს 2

(995 32) 2 406 406

info@nbg.ge; www.NBG.ge